



Kar kökkāäl eliktata: Julae 24, 2020

Melele in Kajinet ñan Bar Bellok ilo Alen Ruo – Rikōmadmōd ro an Jikin ko Rej Lelok Kamōnōnō Iloan Em im Inabōj

Maroñ eo: Wōtar jen Ra In Kōmman Nōmba 20-27, ORS 433.441, ORS 433.443, ORS 431A.010

Ekkar ñan: Melele in kajinet in ej ñan jikin ko rej lelok kamōnōnō illoan em im inabōj ilo county ko rebed ilo Alen Ruo. Aoleb jikin kamōnōnō ko illoan em in inabōj rej aikuj kōmadmōd iomwin melele in kajinet in ijellokun ñe emōj kōjejjet kajinet iomwin bar juon melele in kajinet eo an OHA. Ej mo wōt an bellok jikin alwōj ko armij remaroñ bōk kwōnaer illoan (interactive museum ko) ilo ien in.

Kabin: Ñan joñan an melele in kajinet in aikuj loor kin jet kakien ko, enaj mennin kabin einwōt kalikar ilo Wōtar jen Ra In Kōmman 20-27, ioon 26.

Lale: Jouv im bar lale melele in kajinet eo ñan [jikin ko](#) im [jikin ko ewōr kein tutu, ekoba kein tutu pool ko](#).

Rikōmadmōd jikin kamōnōnō illoan em im inabōj rej aikuj in:

- Kōmman joñan eo elabtata kin 100 armij illoan em ak 250 armij inabōj, im en jab lōnlok jen 250 illoan em im inabōj; ak wōran armij, ekoba rijerbal, ekkar ñan joñan ijo (jukweea ne/wōran armij), **jabdewōt eo ediklok**.
- Lolorjake an aoleben ijoko bojak in kōmadmōd im ke aoleb kein jerbal ko rej emman wōt, ekkar ñan jabdewōt bok in kōmelele wewein kejbarok, kōjerbal, im wewein kōmadmōde rekkā.
- Etale im kōjejjet kütien [Melele in Kajinet ñan Jikin Jerbal ko](#).

Kilen Kōmadmōd Kōttolok kin Enbwin

- Lale joñan wōran armij eo elabtata emaroñ wor ilo kajjojo jikin ikkure illoan em im inabōj im lolorjake aer maroñ kejbarok aikuj eo bwe en jab diklok jen jiljino (6) ne ikōtaan doulul ko, im kōjejjet joñan armij ro ilo jikin eo.
- Lolorjak an armij ettolok jen doon ejab diklok jen jiljino (6) ne ikōtaan armij ilo doulul ko rektak. Kalikar ke ro uwaan juon wōt doulul remaroñ bōk kunaer ilo makūtkūt ko ibben doon, jutak ilo lain ibben doon, im men ko jet, im rejab aikuj in kōttolok jiljino (6) ne jen doon.

- Ilik jea ko im/ak jikin ikkure ñan loore aoleb kakien ko ikijen kōttolok doon.
- Jab kakobaik doulul ko ak kōmelim aer kōjerbal ejja jea ko ibben armij ro rejab uwaan ejja doulul eo aer.
- Kōmakūti ak kamo jikin jijet/tebōl/lain im men ko jet ñan jibañlok aikuj eo bwe en wōr ejab diklok jen jiljino (6) ne ikōtaan armij ro rejab pād ilo juon wōt doulul.
- Kamo an armij ro ilo doulul ko reoktak koba ibben doon ilo jabdewōt jikin ilo jikin, iloan mweo ak inabōj, koba jikin baak wa ko.
- Kōmo kōmadmōdin im aer maroñ kōjerbal aoleben jikin ikkure ko.
- Kōmo ikkure ko elab an rikkure ro ekkeitaak enbwinnir ñan doon einwōt emōj kalikar ilo [Melele in Kajinet eo an Ikkure in Kamōnōnō](#).
- **Jab kōmadmōd**, nē kwōban lolorjak an wōr ejab diklok jen jiljino (6) ne ettolok jen doon einwōt aikuj ilo melele in kajinet in, ijellokun ñan aer emakūtkūt ibben doon ekadu ak rejab maroñ loor aoleben aikuj ko jet ilo melele in kajinet in. Aikuj eo ñan ikkiil ej ekkar ñan kōmadmōd ko iloan em im inabōj jimor ñan jikin ko ewōr rej kōmadmōd iloan em im inabōj jimor.

Rijerbal ro

- Kōmman aikuj bwe aoleb rijerbal ren ekōnak kein kalbubu māj ak kein bōbrae iturin māj, ak juon kein kalbubu iturin māj kōmman jen nuknuk, peba ak bar juon kwōj jolok elikin aṃ kōjerbal [Melele in Kajinet ñan aoleben State eo kin Kein Kalbubu Māj, Kein Bōbrae Iturin Māj](#). Elañe juon rijerbal eban kōnake juon kein kalbubu māj, kein bōbrae iturin māj ak kein kalbubu iturin māj kinke elōñ an utamwe, jikin jermal eo eaikuj karejar ibben rijerbal eo ñan lale elañe remaroñ lelok bar juon wewein jiban ñan aikuj ko an. Juon oktak ebwe joñan ejab kōtlōk an rijerbal eo bed wot iloan mweo ilo an jab ekōnak juon kein kalbubu ak bōbrae iturin mejen. Elōñ ien ko rekadu im juon rijerbal emaroñ jab aikuj ekōnak kein kalbubu ak bōbrae iturin mejen ilo juon jikin edreloñ iomwin [melele in kajinet eo ñan aoleben state eo](#), bōtab ejellok kōmelim in jab aikuj. Juon jikin jermal eaikuj jermal ibben obj eo ej lale rijerbal (human resources department) ak kenono ibben loār eo aer ñan lale mennin ekelel in maroñ ko aer iomwin kakien ñan lemaanlok abōnōnō in. Jikin jermal ko remaroñ bar kebaak [Obj eo Lale Rijerbal im Jikin Jermal ko \(Bureau of Labor im Industries -BOLI\)](#) ñan jibañ ko ikijen jermal in kein kabel.
- Jikin jermal ko reaikuj lelok kein kalbubu im kein bōbrae iturin māj ñan rijerbal ro.
- Lelok katak ñan aoleb rijerbal kin wewein aer karreo madmōd ko (lale ilal) im wewein karreo im kejbarok im ikut aer kwal beir kin joob im dān iomwin ejab diklok jen 20 jekōn.
- Etale im kōjerbale [Melele in Kajinet eo ñan Aoleben State eo kin Kein Kalbubu Iturin Māj im Kein Bōbrae Iturin Māj](#).

Kein Kalbubu Iturin Māj ko an Rilolok ro

- Aoleb customer im rilolok ro reaikuj loor [Melele in Kajinet eo ñan Aoleben State kin Kein Kalbubu iturin Māj im Kein Bōbrae Iturin Māj](#).

Karreo

- Rejerbal ro rej aikuj in karreo im manman kij ilo jikin jermal ko, ijoko elab emmakūtkūt ie, im ioon men ko riwia im jikin rijerbal ekut aer jibwi ilooan mweo im inabōj. Kōjerbal kein manman kij ko emōj likūt ilo [laajrakin etan kein karreo ko emōj an Obij eo ej Bōk Eddon Kejbarok Melan \(EPA\) kōwebben](#) ñan SARS-CoV-2 im ej kij in nanīnmij eo ej kōmman COVID-19. Ejanīn wōr juon kein karreo emōj likūt melele ko an ke ej ñan COVID-19, ak elōn kein karreo ko im ewōr aer kōmelele ilo website ko aer kin aer jermal ikijen coronavirus eo ibben armij.
- Kanooj in karreo imōn kōbojak ejab diklok jen ruo alen ilo juon raan im, ñan joñan eo emaroñ, lolorjak an wōr kein karreo (jooob, toilet beba, kein manman kij in bā) ilo aoleben kajojo raan. Imōn kōbojak ko reban karreoiki ruo alen ilo juon raan ren kilōk wōt ak ren kajutak juon kōjjelā me ej kwalok ke rejab maroñ karreoiki imōn kōbojak eo ruo alen ilo juon raan.
- Rijerbal ro rej aikuj karreo im manman kij ilo AOLEPEN keem ko, bool ko, kein jermal ko ewōr armij rej kōjembali, im jabdewōt kein ikkure ak kein jerbale ekut jibwi ikōtaan an armij kōjembali.

Kōjjelā ak Bija ko

- Kajutak [kōjjelā ko realikar](#) rej kōlaajrak kakōllein COVID-19, im rej kajitūkin an rijerbal ro, ro rej lelok jiban̄ ko aer, im rilotok ro im elōn kakōlle ko ibbeir bwe ren bed wōt mōko imweir, im wōn eo ren kebaak ñe reaikuj jiban̄.
- Kōjerbal [kōjjelā ko realikar](#) ñan lelok rōjan̄ ñan an armij kōttolok doon.
- Kajutak [kōjjelā ko realikar](#) kin kakien ko ikijen kein kalbubu māj ko einwōt an taktō, kein bōbrae iturin māj ak kein kalbubu iturin māj.

Mennin aikuj ko jet

- Lolorjake ke ijoko ekut an armij kakobaba ie (koba ak ejab jemlok wōt ilo melan jikin ikkure, kein ikkure ko ilooan em im kein ikkure ko kwōj likūt ajiri ilooan) rekilōk wōt.
- En kilōk wōt ijoko rej lale ajiri.
- Kōmman joñan doulul ko ñan 10 armij ak ietlok. Jab kakoba doulul/rilotok ro bwe ren jijet ibben doon elañe rekar jab kelet in kar koba ibben doon. Armij ro ilo juon wōt doulul im rej jijet ilo juon wōt tebōl rejab aikuj in bed jiljino (6) ne jen doon.
- Kamo doulul ko (tarrin 10 ak eiitlok armij rekar tōkeaktok ijo ibben doon) jen aer kakobaba ilo jikin baak wa ko ak ilo jikin ko jet ekkā an armij bed ie iomwin ien ko aitoklok jen joñan eo reaikuj ñan bōk/karool mweiuk im uwe/to jen wa ko waer.
- Lolorjake bwe jikin ko ekkā an armij bed ie einwōt tebōl in picnic, mōko/shelter ko rej kōjerbal in raan, im em ko rebellok ñan armij in lobelej, ren karōk ilo juon wewein eo enaj kejbarok bwe en jab diklok jen jiljino (6) ne ikōtaan doulul ko kajojo (jea, kein jijet ko, im tebōl ko). Kajutak kōjjelā ko realikar ñan kabin aikuj eo ikijen kōttolok doon ñan rilolok ro an doulul ko reoktak.
- Kabōjrak aoleb makūtkūt ko mokta jen 10 awa jota.

- Loor [Melele in Kajinet an Alen Ruo ñan Mōko Imōn Mōnā/Baar/Imōn Kōmman Pia/Ruum in Edjon/Imōn Kōmman Dān in Kadek, nē kwōj lelok mōñā im/ak dān in idaak.](#)
- Loor [Melele in Kajinet ñan Mōko Imōn Wia](#) elañe kwōj kōmadmōd juon imōn wia ilo melan ko.

Ñan joñan eo remaroñ, rikōmadmōd ro an jikin ikkure iloan em im inabōj ren, bōtab rejab aikuj in:

Bar Jet Wewein Kōttolok kin Enbwin

- Rōjan̄ aer karōk ien ko aer maanlok ñe ejab rōjan̄ an armij kūrlok mokta ñan kamool joñan ijōne ñan joñan armij. Lōmnake juon kein jermal in talebon ej kōtlōk an armij kōttar iloan wa ko waer im delonē mweo wot nē kwōnaj kall ak jilkinlok text majej ej kwalok ke ebojak jikier.
- Jitōñe juon rikaruwainene ñan bōk eddoin an riwia deloñ im lale aer kōttolok doon ilo ien aer kōttar ilo lain, wōtar, im ilo ien aer delon̄ im diwōj. Jab bineje ial ko ñan jikin diwōj nē elōñ kijeek.
- Likūt rijerbal ro ñan aer lale an armij kōttolok doon ekkar ñan aikuj ko, bwe doulul ko ren jab lōnlōk jen 10 armij, im ñan jibañ an rilolok ro melele kakien kein.
- Jitōñe rijerbal ñan lale an rilotok delonē ijoko ekkā an armij bed ie einwōt imōn kōbojak ko bwe rilotok ro ren jab kakobaba ibben doon.
- Kwalok ialen aer ito-tak bwe en juon wōt ial ñan kadiklok an rilotok ro kebaak doon. Kajutak kōjellā ñan kwalok ialen etetal ko ñan kein kalwōjwōj, nē ekkar.
- Kōmman joñan wōran rijerbal ro rej lelok jibañ ak kenono ibben doulul ko kajajo.
- Rōjan̄ rilolok ro bwe ren ikkure ibben ro uwaan kapijukunen eo aer im ejab ibben ro jet ejab ekkā aer emmakūtkūt ibbeir.
- Rōjan̄ bwe rilotok ro ren kejbarok ilo aer ikkure im jolok aer ito-tak ñan ijoko im eabañ kejbarok aer jiljino (6) ne jen armij ro jet rejab ilo kapijukunen eo aer.
- Kajutak kein bōbrae būlajtiik ak kilaj itumaan in cashier ro ak ilo counter ko jikin rilotok, ak ijoko jet im eabañlok aer maroñ likūt jiljino (6) ne ettolok jen doon ikōtaan rijerbal, ro rej lelok jibañ, im rilotok ro.

Karreo/ Wewein Kejbarok

- Lōmnak kin aṃ lelok jikin im kein kwal bā bwe customer ro ren kōjerbale iloan em im iturin mweo. Elōñ tokjen kein manman kij in bā ioon bā rerreo; bijnej ko remaroñ lelok kein manman kij in bā (ejab diklok jen 60-95% arkool kobban) ñan customer ro. Kein manman kij in bā en jab bōk jikin an rijerbal ro kwal bāer.

Jikin makūtkūt ko inabōj

- Lōmnak kin aṃ kilōke jikin baak ko ikōtaan doon ñan jiban̄ aer jab diklok jen jiljino (6) ne ettolok ikōtaan doulul ko.
- Rōjanē rilotok ro bwe ren bōktok kijeer make mōñā, aer make nien aebōj im kein aer karreo (ekoba kein manman kij in bā).
- Rōjan̄ aoleb rilotok ro bwe ren bōklok kwōbej eo aer ibbeir ilo ien aer diwōjlok.

Wūn ko Jet:

- [Melele in Kajinet an OHA ñan aoleb Jikin Jerbal](#)
- [Melele in Kajinet an Aoleben State eo kin Kein Kalbubu Māj an Joñan ko ilo Jikin Taktō, Kein Bōbrae Iturin Māj, Im Kein Kalbubu Iturin Māj](#)
- [Melele in Kajinet an CDC ñan Rilelok ro an Baak im Imōn Ikkure ko](#)

Maroñ loe beba in: Ñan armij ro im elōn̄ aer utamwe ak kajojo armij ro im ewōr aer bar juon kajin oktak jen Kajin Belle, OHA emaroñ lelok Melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Mavel Morales ilo 1-844-882-7889, 711 TTY ak OHA.ADAModifications@dhsaha.state.or.us.